

Lang nan Kay ak Nan kominote a

Pou Fanmi yo

Men uit bagay ou ka fè chak jou pou ede ptit ou aprann lang fanmi ou epi vin gen siksè nan lekòl!

Itilize lang pa ou nan kay la

Etap ki pi fasil, ak pi enpòtan se itilize lang lakay pa ou chak jou. Anpil fanmi enkyete yo ke lè yo itilize lang ki pale lakay yo ap konfonn ptit yo. Aktyèlman, timoun ka byen fasil aprann plizyè lang an menm tan. Yo gen yon tan ki pi fasil pou yo aprann Anglè lè yo gen yon fondasyon solid nan premye lang yo.



Rakonte istwa epi chante chan

Fanmi ou gen yon eritaj ki rich pou pase bay ptit ou yo. Istwa, chante, rim, powèm, pawòl, ak chan ki soti nan anfans ou se yon pati enpòtan nan eritaj yo. Pataje sa yo avèk ptit ou epi pran plezi nou!



Rakonte istwa epi pataje liv ansanm

Li ansanm se yon pati enpòtan nan aprantisaj bonè pou timoun ou yo. Timoun aprann anpil ladrès ke y'ap bezwen nan lekòl la lè yo tandé istwa epi gade nan liv avèk fanmi yo. Epi tou sa bay anpil plezi!

Prete materyèl nan lang ou nan bibliyotèk la

Chèche liv, DVD, ak mizik nan lang ou. Si yo pa gen sa ou vle a, mande anplwaye bibliyotèk la pou ede ou jwenn sa ou bezwen.

Pale sou kilti ak tradisyon ou yo

Vizite salklas ptit ou a epi pataje lang ou, kilti ak tradisyon ou yo. Pataje istwa fanmi ak chante epi ankouraje ptit ou a rakonte tou istwa fanmi ak pataje eritaj fanmi ou avèk lòt moun. Pataje chante ak jwèt ki soti nan kilti ou ak elèv nan klas ptit ou yo epi ak pwofesè yo.



Chèche aktivite nan kominote ou

Ale patisipe nan festival kiltirèl ak konsè epi fè rankont ak lòt fanmi ki pale lang lakay ou. Mete ansanm ak lòt fanmi epi òganize aktivite pwòp pa nou!

Kontinye itilize lang pa ou pandan pitit ou ap vin pi gran

Kèk fwa, timoun yo kòmanse prefere Anglè pandan y'ap vin pi gran. Pale ak pitit ou sou benefis ki genyen nan pale de lang. Kontinye itilize lang ou, menm si pitit ou reponn nan lang Anglè pou ou kenbe liy komunikasyon ou yo ouvè.

Pa blyie ke OU se kle pou kenbe lang ki pale lakay ou

Paran yo ak lòt manm fanmi an yo se moun ki pi enpòtan nan lavi timoun ou yo. Sa ke ou apresye, pitit ou ap aprann apresye tou. Ede yo aprann ke lang fanmi ou ak kilti yo se yon bagay yo dwe fyè de yo epi apresye. Sonje benefis ki genyen nan lang ou pale lakay ou epi rete nan angajman pou kontinye sèvi ak li.